

GJYKATA THEMELORE PRISHTINË

Numri i rastit : PKRNR 942/13

11 mars 2014

Aktgjykimi i publikuar mund të mos jetë i formës së prere dhe mund të jetë objekt i ankesës në baze të ligjit të aplikueshëm.

NË EMËR TË POPULLIT

GJYKATA THEMELORE E PRISHTINËS me trupin gjykues të përbërë nga gjyqtari i EULEX-it Malcolm Simmons, gjyqtar kryesues dhe gjyqtari Faik Hoxha dhe gjyqtarja e EULEX-it Franciska Fiser, anëtarë të trupit gjykues dhe Sonila Macneil, procesmbajtëse, në çështjen penale kundër të akuzuarit:

A. V., mashkull, i lindur më xxx në xxx, emri i babait xxx, emri i nënës xxx (i vajzërisë xxx), numri i pasaportës xxx, shqiptar i Kosovës, shtetas i Kosovës, me banim në xxx, i papunë, me profesion tregtar, me arsim të mesëm, i martuar, me gjendje ekonomike mesatare, në paraburgim që nga 23 janar 2013;

I akuzuar sipas aktakuzës së Prokurorisë speciale të EULEX-it PPS Nr. 42/2012 të datës 16 shtator 2013 dhe të ngritur më 16 shtator 2013, aktakuzë kjo e korigjuar dhe plotësuar më 1 tetor 2013 dhe 7 mars 2014, me këto pika të akuzave:

Akuza 1

Blerje, posedim, shpërndarje dhe shitje e paautorizuar e narkotikëve të rrezikshëm dhe substancave psikotropike, në kundërshtim me nenin 229, paragrafët 1, 2, 3 dhe 4 të Kodit Penal të Kosovës¹ vepër kjo për të cilën parashihet dënim me gjobë dhe burgim prej tri deri në pesëmbëdhjetë vjet

¹ Që korespondojnë me nenet 273 dhe 279 të Kodit penal të Kosovës, Ligji 04/L-082 të vitit 2012 (Kodi i ri)

SEPSE mes të 1 Janarit 2012 dhe 21 Shkurtit 2012, A.V. në territorin e Kosovës ka kryer veprën penale blerje, posedim, shpërndarje dhe shitje të paautorizuar narkotikëve të rrezikshëm dhe substancave psikotrope duke organizuar dhe marrë pjesë në blerjen, shitjen, transportimin, dërgimin, eksportimin nga Kosova dhe importimin për në Republikën Federale të Gjermanisë, përmes vendeve të tjera në Evropë të një dërgese prej 1,496 kg heroinë, si anëtar i një grupi, heroinë kjo e sekuestruar në 20 shkurt 2012 në Mynih, e gjetur në një automjet Toyota Corolla me numër regjistrimi xxx, heroinë kjo e pranuar në Mynih nga L.G., D.K. dhe M.K., në bashkëkryerje, në bazë të nenit 23 të Kodit Penal të Kosovës.

Akuza 2

Blerje, posedim, shpërndarje dhe shitja e paautorizuar e narkotikëve të rrezikshëm dhe substancave psikotropike, në kundërshtim me nenin 229, paragrafët 1, 2, 3 dhe 4 të Kodit Penal të Kosovës² vepër kjo për të cilën parashihet dënim me gjobë dhe burgim prej tri deri në pesëmbëdhjetë vjet .

SEPSE mes 1 majit 2012 dhe 1 korrikut 2012, A.V. në territorin e Kosovës ka kryer veprën penale blerje, posedim, shpërndarje dhe shitje të paautorizuar të narkotikëve të rrezikshëm dhe substancave psikotrope duke organizuar dhe marrë pjesë në blerjen, shitjen, transportimin, dërgimin, eksportimin nga Kosova dhe importimin për në Republikën Federale të Gjermanisë, përmes vendeve të tjera në Evropë të një dërgese prej 1.436 kg heroinë, si anëtar i një grupi, heroinë kjo e sekuestruar më 10 qershor 2012 në Mynih të Gjermanisë, e gjetur në një automjet Opel Astra me numër regjistrimi serb XXX, heroinë kjo e pranuar nga R.A., O.B. dhe L.Z., në bashkëkryerje, në bazë të nenit 23 të Kodit penal të Kosovës.

² Që korespondojnë me nenet 273 dhe 279 të Kodit penal të Kosovës, Ligji 04/L-082 të vitit 2012 (Kodi i ri)

Akuza 3

Krim i organizuar, në kundërshtim me nenin 274 paragrafët 1, 2 dhe 3 të Kodit penal të Kosovës³ (më tej "KPK") vepër kjo për të cilën parashihet dënim gjobë deri në 500.000 € dhe burgim prej shtatë deri në njëzet vjet .

SEPSE mes 1 janarit 2012 dhe 1 korrikut 2012, A.V.T në territorin e Kosovës ka kryer veprën penale të krimit të organizuar duke kryer vepër kriminale të rëndë, përkatësisht blerje, posedim, shpërndarje dhe shitje të paautorizuar të narkotikëve të rrezikshëm, duke organizuar dhe marrë pjesë në blerje, shitje, transportim, dërgim, eksportim nga Kosova dhe importim për në Republikën Federale të Gjermanisë të dy dërgesave të heroinës, konkretisht, 1,496 kg heroinë e sekuestruar më 20 shkurt 2012 në Mynih të Gjermanisë, tek një automjet Toyota Corolla me numër regjistrimi XXX dhe 1.436 kg të sekuestruar më 10 qershor 2012 në Mynih të Gjermanisë, tek një automjet Opel Astra me numrin e regjistrimit serb xxx; brenda një grupi të strukturuar së bashku me L.G.N, M.K.N, D.K.N, G.Y., F.F., O.B., L.Z., R.A. dhe bashkë-kryesë të tjerë të paidentifikuar; duke marrë pjesë në mënyrë aktive në grupin kriminal; dhe duke organizuar, formuar, mbikëqyrë, menaxhuar ose drejtuar aktivitetet e grupit, me qëllim të përfitimit, direkt ose indirekt, financiar apo ndonjë përfitimi tjetër material.

Pas mbajtjes së seansave publike të shqyrtimit gjyqësor më 19, 21,27 nëntor; 4 dhe 11 dhjetor 2013; 6 dhe 8 janar; 19 shkurt dhe 7 mars 2014, në praninë e të akuzuarit A.V., avokatit të tij mbrojtës A.H. dhe në praninë e prokurorit special të EULEX-it Andrew Carney nga Prokuroria Speciale e Kosovës;

Pas këshillimit vendim-marrës dhe votimit të mbajtur më 11 mars 2014;

Në bazë të nenit 362 paragrafi 1, nenit 365 dhe nenit 366 të Kodit të procedurës penale të Kosovës sot më 11 mars 2014, në gjykatë të hapur dhe në prani të të pandehurit, mbrojtësit të tij dhe prokurorit special të EULEX-it, lëshon këtë

³ Që korespondon me nenin 283 të Kodit Penal të Kosovës, Ligji 04/L-082 të vitit 2012

AKTGJYKIM

Arben VESELI, me të dhënat personale si më sipër, në paraburgim që nga 23 janari 2013 shpallet:

FAJTOR

SEPSE mes 1 janarit 2012 dhe 10 qershorit 2012, i pandehuri në territorin e Kosovës ka organizuar dhe ka marrë pjesë në blerje, posedim, shitje, transportim, dërgim, eksportim nga Kosova dhe importim për në Republikën Federale të Gjermanisë të dy dërgesave të heroinës, konkretisht, 1,496 kg heroinë e sekuestruar më 20 shkurt 2012 në Mynih të Gjermanisë⁴, tek një automjet Toyota Corolla me numër regjistrimi XXX të cilin e drejtonte M.K. ku gjindej edhe D.K. si dhe 1.436 kg heroinë e sequestruar më 10 qershor 2012 në Mynih të Republikës Federale të Gjermanisë⁵, tek një automjet Opel Astra me numër regjistrimi xxx të cilin e ngiste R.A. dhe e gjetur në posedim të R.A., O.B. dhe L.Z.; brenda një grupi të strukturuar së bashku me L.G.n, M.K., D.K, G.Y., O.B., L.Z., R.A. dhe bashkë-kryesë të tjerë të paidentifikuar; duke marrë pjesë në mënyrë aktive në grupin kriminal; dhe duke organizuar, formuar, mbikëqyrë, menaxhuar ose drejtuar aktivitetet e grupit në fjalë, me qëllim të përfitimit, direkt ose indirekt, financiar apo ndonjë përfitim tjetër material⁶.

Duke kryer **në këtë mënyrë**, në bazë të nenit 3 paragrafi 2 të Kodit penal të Republikës së Kosovës⁷, veprën penale të krimit të organizuar në shkelje të nenit 274 paragrafi 1 dhe 3 i KPK-së në lidhje me veprën penale blerje, posedim, shpërndarje dhe shitje të paautorizuar të narkotikëve të rrezikshëm dhe substancave psikotropike në bazë të nenit 229, paragrafi 3 të KPK-së.

Duke qenë i dënuar për veprën penale të krimit të organizuar nga neni 274 paragrafi 1 dhe 3 i KPK-së në lidhje me veprën penale blerjes, posedim, shpërndarje dhe shitje e paautorizuar e narkotikëve të rrezikshëm dhe substancave psikotrope nga neni 229, paragrafi 3 të KPK-së, në

⁴ Akuza 1

⁵ Akuza 2

⁶ Akuza 3

⁷ Ligji 04/L-082 e vitit 2012

mbështetje të neneve 3, 34, 38, 39, 64, 65 dhe 274 (3) të KPK-së, i pandehuri, A.V., është dënuar me një dënim prej **10 (dhjetë) vite me burgim dhe me dënim me gjobë në shumë 20,000 (njëzet mijë) Euro**, e cila duhet të paguhet brenda 30 diteve, pasi që ky aktgjykim të bëhet i formës së prerë.

Në bazë të nenit 73 (1) të KPK-së koha e kaluar në paraburgim nga 23 janari 2013 deri me këtë datë këtu do të llogaritet në dënim.

Në bazë të të neneve 450, 451 dhe 453 të Kodit të Procedurës Penale të Kosovës, i akuzuari i i bart shpenzimet e procedurës penale të vlerësuara në shumën prej 4.600 (katër mijë e gjashtëqind) Euro⁸ së bashku me paushallin, të vlerësuar në shumën prej 500 (pesëqind) Euro.

Çdo kërkesë pronësorë juridike do të shqyrtohet nëpërmjet gjykatave civile.

Më tej, paraburgimi me anë të kësaj i vazhdohet derisa aktgjykimi të merr formë të prerë, për shkak se rreziku i arratisjes ende ekziston siç parashihet me nenin 187, paragrafi 1, nënparagrafët 1.1, 1.2 dhe 1.2.1 të KPPK-së, por jo më shumë se skadimi i afatit të dënimit të caktuar në këtë aktgjykim. Një aktvendim i veçantë do të lëshohet mbi paraburgimin.

Këshillë juridike:

Personat e autorizuar mund të ushtrojnë ankesë më shkrim kundër këtij aktgjykimi në Gjykatën e Apelit nëpërmes Gjykatës Themelore të Prishtinës brenda pesëmbëdhjetë (15) nga data e dorëzimit të kopjes së këtij aktgjykimi tek palët, në bazë të nenit 380 par.1 të KPP-së.

Malcolm Simmons

Franciska Fiser

Faik Hoxha

Kryetar i trupit gjykues

Anëtare e trupit gjykues

Anëtar i trupit gjykues

⁸ Ku duhet përfshirë shumën prej 3000 (tri mijë) funtave britanike që I janë paguar P.B. nga Shërbimet forenzike audio për raportin e tij të darës 17 dhjetor 2013 dhe 100 (një qind) euro për dëshminë që e ka dhënë nga Mbretëria e Bashkuar me video link më 19 shkurt 2014.